

Aprés-ski Brunch



APRES-SKI BRUNCH ZALZERSHAOF 2018

De 3 Keuninge ware Zaoterdaags weer vertrokke naor 't oëste dus kóste we 't nije sportjaor röstig starte met 'ne lekkere brunch.

Aprés-ski waar 't motto, neet zoeë veur de hand liggend zoels se zegge in Holt -Blieërick. Maar ouk al loog d'r genne sniej en al gaar genne berg, toch kwame d'r zón 65 minse veur 'n smakelik begin van 't jaor.



Unne doorgewinterde skiër haet mich ens verteld des se *Aprés-ski* kins vergelieke met de 3e helf beej 't voetballe of zelfs met de *Vastelaovend*.

Vastelaovend is 't gauw genóg en binne de fantasiewaereld van *Vastelaovend* is van alles meugelik .

De begins thoes alves met 'n sniejgordien in de kamer te hange veur de wintersfeer

en wat kerslempkes veur de gezelligheid.

De zets de verwerming wat lieëger en de treks dien lekker werm *skipak* aan.

De ski's luuet se boete staon, det zuut ouk nog tóf oet, 't begin is gemak.

De hoofs gén reisverzekening aaf te sloete, de hebs gén pasje nuuedig veur de skilif en de kruups -s' áoves lekker in diene eige bóg.

De kins everal met de fiets haer *zónder sniejkettinge*..... waat 'n gemak.

In de stad zien aet-tente genóg, met of zónder cachet, net was se wils.

Pak ens 'n frietje van *petatte Wiel* of Chinees van *meneer Wong*,

'N shoarmabruuedje van *Mohammed* of as se thoes wils aete bels se de *Pizzakoerier*.

Gemekkelikker kins se 't neet hebbe en de hebs gennen aafwas.

Daags d'rop wakker waere zónder wakker in dien eige bed

en ónbijte wielaat des se zelf wils.

De hoofs neet te prakkezere, wat doon ik aan, want in dien t-shirt of allein 'n ónderfleur smake die bótterhamme met spek en eier net zoeë lekker.

Oké, det óntbijt mós se dan waal zelf make

maar de kins neet alles hebbe in 't *Nepski-laeve*.



De vastelaoves-drenkskes die se heej bestels of ut *Aprés-ski* assortiment in *Tirol*,

dao zit waal 'n groeët verschil in.
In Tirol bestels se dich 'ne *Willy mit Birne*; det is 'ne stevige paereschnaps met as versiering 'ne cocktailprikker met 'n stökske paer.

Of *Lumumba*; werme choc. melk met slaagroum en 'ne flinke scheut rum.

Die name hebbe waal cachet, det mó't ik toegaeve.
'Ne *Feigling* hebbe ze heej ouk met 2 beteikenisse zelfs.

Det is 'n lekker drenkske met 20% alcohol of de bis zelf 'ne Feigling; dus 'n melkmoel.



Met *Vastelaovend* duis se neet moeilik en vruuegs se dich 'n pilske, 'ne halfum of diesel.

Wils se effe 'n alcoholpauze dan bestels se dich 'ne *Spa blauw* of *roeëd*.

In Tirol neume ze det *skiwasser*.

Pas op, met det *skiwasser* wuurt stevig gefoetelt en dan hebs se lauw alcoholpauze en wuurs se éch blauw.

Det klasseverschil mó's se op de koup toe neme, ala.....f.

Beej de *Aprés-ski quiz* van Rapido kós se 'ne gevólde *Berhelm* winne, dan drinks se 2 drenkskes doerein..... det kin erg verrassend zien !

De zals waarschienlik nao die 3 daag de tóng op 't underste knoupsgaat hebbe hange maar det hebs se nao 7 daag skieë ouk.

Éin groeët veurdeil blief, van de pieke die se euver hils kins se in 't veurjaor lekker op vakantie.

Messchien velt dien keus waal op 't

Rapidowiekend !

Dan hebs se dien skigrei neet nuuedig, hils se plek euver in 't zomerkóffer.

Trouwens Theo Smeets bringk altiéd genóg troep mei um gekke spelkes te doen.

Gewoeën de mekkelikke kleier aan..... wat wils se nog mier.....'t jaor kin al nimmer kepot.





Doot mich as aafsloéting maar eine *Jägertee* !

Proos allemaol.op *2018*.

Elly van Elswijk